

Հավելված
ՀՀ կառավարության 2011 թվականի
փետրվարի 24-ի N 280 - Ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ

Ծ Ր Ա Գ Ի Ր

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2011 ԹՎԱԿԱՆԻ ԵԳԻՊՏԱՑՈՐԵՆԻ
ԱՐՏԱԴՐՈՒԹՅԱՆ ԶԱՐԳԱՑՄԱՆ**



ԵՐԵՎԱՆ 2011

Բ Ո Վ Ա Ն Դ Ա Կ ՈՒ Թ Յ ՈՒ Ն

- I. ԵԳԻՊՏԱՅՈՐԵՆԻ ՍԵՐՄՆԱԲՈՒԾՈՒԹՅԱՆ ԵՎ ՍԵՐՄՆԱՐՏԱԴՐՈՒԹՅԱՆ ԲՆԱԳԱՎԱՌՈՒՄ ՍՏԵՂԾՎԱԾ ԻՐԱՎԻՃԱԿԸ
- II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ
- III. ԾՐԱԳՐԻ ՇՐՋԱՆԱԿՆԵՐՈՒՄ ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐԸ ԵՎ ՊԱՀԱՆՋՎՈՂ ՆԵՐԴՐՈՒՄՆԵՐԸ
- IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ
- V. ԱՌԱՋԱՐԿՈՒԹՅՈՒՆՆԵՐ

I. ԵԳԻՊՏԱՑՈՐԵՆԻ ՍԵՐՄՆԱԲՈՒԾՈՒԹՅԱՆ ԵՎ ՍԵՐՄՆԱՐՏԱԴՐՈՒԹՅԱՆ ԲՆԱԳԱՎԱՌՈՒՄ ՍՏԵՂԾՎԱԾ ԻՐԱՎԻՃԱԿԸ

1. Ըստ Հայաստանի Հանրապետության ազգային վիճակագրական ծառայության տվյալների՝ հանրապետությունում 2005-2008 թվականներին եգիպտացորենի ընդհանուր ցանքատարածությունները կազմել են համապատասխանաբար՝ 3853, 3238, 4086 և 4241 հեկտար: Ցանքատարածությունների ավելացումը կատարվել է ի հաշիվ Հայաստանի Հանրապետության կառավարության կողմից տրված պետական աջակցության և Վրաստանից ներկրված 41,5 տոննա բարձր վերարտադրության սերմացուների ներկրման, որը բաշխվել է հանրապետության բոլոր մարզերին: 2009 և 2010 թվականներին ցանքատարածությունները համապատասխանաբար կազմել են 3072 և 3102 հեկտար, ցանքատարածությունների կրճատումը հետևանք է պետական աջակցության տրամադրման դադարեցման և որակյալ սերմացուների պակասի: 2010 թվականի ընթացքում հանրապետություն է ներկրվել 138,9 տոննա պարենային և 49135 տոննա հատիկախառն (կերային) եգիպտացորեն:

2. Թռչնաբուծության և անասնապահության ներկա զարգացման պայմաններում հանրապետությունը խիստ կարիք ունի եգիպտացորենի ցանքատարածությունների ընդլայնման և համախառն բերքի ավելացման:

3. Հայաստանի Հանրապետությունում, ինչպես գիտական կենտրոնները, այնպես էլ մասնավոր տնտեսությունները գրեթե չեն զբաղվում եգիպտացորենի բարձր վերարտադրության սերմացուների կամ հիբրիդների արտադրությամբ:

4. Ցանքի համար օգտագործվող սերմացուները հիմնականում ունեն անհայտ ծագում, ցածր որակ և անհայտ վերարտադրություն:

5. Վերջին 10 տարվա ընթացքում սորտաթարմացման և սորտափոխանակման նպատակով պետության կողմից հանրապետություն է ներկրվել ընդամենը 141.5 տոննա եգիպտացորենի բարձր վերարտադրության սերմացու: Առանձին տնտեսավարողների

կողմից ներկրվող սահմանափակ քանակությամբ սորտերի և հատկապես հիբրիդների սերմացուները՝ բարձր արժեքի պատճառով մատչելի չեն տնտեսավարող սուբյեկտների համար:

6. Յուրաքանչյուր տարի հանրապետությունում օգտագործվում է 95-100 տոննա եգիպտացորենի սերմացու:

II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

7. Ծրագրի նպատակը հանրապետությունում եգիպտացորենի ցանքատարածությունների և համախառն բերքի ավելացումն է:

8. Ծրագրի խնդիրն է արտերկրից 63 տոննա եգիպտացորենի հիբրիդային սերմացուի գնումը, ներկրումը և հանրապետության՝ եգիպտացորենի մշակությամբ զբաղվող տնտեսավարող սուբյեկտներին տրամադրումը:

9. Եգիպտացորենի սերմացուն կտրամադրվի Հայաստանի Հանրապետության Արարատի, Արմավիրի, Լոռու, Սյունիքի, Արագածոտնի, Վայոց ձորի և Տավուշի մարզերին:

III. ԾՐԱԳՐԻ ՇՐՋԱՆԱԿՆԵՐՈՒՄ ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐԸ ԵՎ ՊԱՀԱՆՋՎՈՂ ՆԵՐԴՐՈՒՄՆԵՐԸ

10. Ծրագրի շրջանակներում իրականացվող միջոցառումները նախատեսված են 2011 թվականի համար:

Իրականացվող միջոցառումները

11. Նախատեսվում է հանրապետություն ներմուծել արտերկրում գրանցված, երաշխավորված կայուն և բարձր բերք ապահովող եգիպտացորենի հիբրիդի 63 տոննա սերմացու և հատկացնել հանրապետության մարզերի եգիպտացորենի արտադրությամբ զբաղվել ցանկացող տնտեսավարող սուբյեկտներին՝ բերքահավաքից հետո տրված

սերմացուի կրկնակի քանակությանը համապատասխան (1:2 փոխհարաբերությամբ) մեկ կիլոգրամի համար 100 դրամ հաշվարկով գումարը վերադարձնելու պայմանով:

12. Սերմացուն տնտեսավարող սուբյեկտին կհատկացվի մարզպետի և տնտեսավարող սուբյեկտի միջև կնքված պայմանագրի հիման վրա:

13. Սերմացուն կբաշխվի ըստ մարզերի՝ հետևյալ չափաքանակներով.

Մարզը	Գործակցով հաշվարկված կշիռը (տոննա)
Արագածոտն	5
Արարատ	10
Արմավիր	12
Լոռի	9
Սյունիք	1
Վայոց ձոր	1
Տավուշ	25
Ընդամենը	63.00

14. Բաշխումից հետո Հայաստանի Հանրապետության մարզպետարանները 15-օրյա ժամկետում Հայաստանի Հանրապետության գյուղատնտեսության նախարարություն կներկայացնեն վերջնական ցուցակները՝ համաձայն ձևի:

15. Սերմացուն կհատկացվի 0.3 և ավելի հողատարածք ունեցող տնտեսավարողներին՝ առաջնությունը տալով՝

1) սոցիալապես անապահով ու մեկ տարի և ավելի չմշակված հողատարածքներ ունեցող տնտեսավարողներին.

2) սոցիալապես անապահով տնտեսավարողներին.

3) մեկ տարի և ավելի չմշակված հողատարածքներ ունեցող տնտեսավարողներին:

16. Սույն հավելվածի 15-րդ կետով նախատեսված պայմանները բավարարելուց հետո ավելացված սերմացուն հանձնվում է այլ տնտեսավարող սուբյեկտների՝ մարզպետի հայեցողությամբ:

17. Եզիպտացորենի սերմացուի բաշխումն իրականացվելու է մեկ հեկտարին 25 կիլոգրամ ցանքի նորմայով:

18. Ծրագրի իրականացման ընթացքում Հայաստանի Հանրապետության գյուղատնտեսության նախարարության կողմից կիրականացվի մոնիթորինգ, որը կսկսվի սերմացուի բաշխման պահից և կշարունակվի մինչև բերքահավաք:

IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՑՈՒՆՔՆԵՐԸ

19. Ծրագրի իրականացումից ակնկալվող արդյունքներն են՝

1) ագրոպարենային ոլորտում աշխատատեղերի պահպանումը և նոր աշխատատեղերի ստեղծումը.

2) երկրի ագրոպարենային համակարգում համեմատաբար կայուն իրավիճակի ձևավորումը.

3) եզիպտացորենի մշակության եկամտաբերության բարձրացումը, ցանքատարածությունների ընդլայնումը և համախառն բերքի ծավալների ավելացումը:

V. ԱՌԱՋԱՐԿՈՒԹՅՈՒՆՆԵՐ

20. Ծրագրի իրականացման ընթացքում վերադարձվող գումարները նպատակաուղղել հացահատիկային մշակաբույսերի արտադրության ծավալների ընդլայնմանը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Ց Ա Ն Կ

Հայաստանի Հանրապետության մարզի տարածաշրջանի համայնքի եզրիտացրենի
Հիբրիդային սերմացու ստացողների

NN ը/կ	Անունը, ազգանունը	Անձնագիրը		Անշարժ գույքի սեփականության կամ վարձակալության իրավունքի գրանցման վկայականի համարը		Հողատարածքի չափը (հա)	Տրամադրված սերմացուի քանակը (կգ)	Ստորագրությունը
		համարը	տրված է (օրը, ամիսը, տարեթիվը, ում կողմից)	սեփական	վարձակալական			
1.								
2.								
3.								
4.								
5.								
6.								
7.								
Ընդամենը		x	x	x	x			x

Համայնքի ղեկավար

_____ (ստորագրությունը)

_____ (անունը, ազգանունը)

Մարզպետարան